

四庫類書叢刊

古今事文類聚

四

四庫類書叢刊

古今事文類聚

宋祝穆撰

(四)

上海古籍出版社

欽定四庫全書

子部
古今事大類聚新集卷二

詳校官中書臣沈殿

侍讀臣孫球覆勘

總校官編修臣王燕緒

校對官中書臣潘奕鴻

謄錄監生臣徐錫福

欽定四庫全書

古今事大類聚新集卷一

元富大用撰

三師部

三公

歷代公羊太師太傅太保古官唐虞有百揆之職即三公
公厥太甲以伊尹為太保紂以箕子為太師周成王
立太師太傅太保為三公少師少傅少保曰三孤以

欽定四庫全書

古今事大類聚新集

貳之至是始有定制三公之職論道起邦總理陰陽
然未嘗備官周禮有六卿無三公周公以冢宰兼太
師則三公止為兼官而未嘗有專職可見矣秦不師
古以丞相御史大夫太尉為三公漢襲秦舊哀平間
以太司馬大司徒大司空為三公復置太師太傅太
保始尊師傅位在三公上謂之上三公後漢魏晉江左
因之後魏特尊太師太傅太保為三師非勳德崇重
者不居而三公則魏晉之舊也北齊因之後周遠擬

周制置三公三孤以為論道之官隋唐復依魏晉之法置三師三公三師不主事三公參議國之大事置府僚無其人則開宋初無所改政和二年詔司徒司空周六卿之官太尉秦主兵之任非三公太尉司徒司空並罷依周制立三少以貳三公紹興復置太尉於三少之下元以太師太傅太保為三師太尉司徒司空為三公漢唐舊制也三師師範一人儀刑四海三公論道經邦變理陰陽

欽定四庫全書

古今事文類聚

二

唐書要語立太師太傅太保茲惟三公論道經邦變理陰陽官不必備惟其人書周坐而論道謂之三公禮冬朝士掌建邦外朝之法面三槐三公之位焉禮秋保保其身體傳傳之德義師道之教訓此三公之職也前漢傳三公者內與王論道中參六官之事外與六卿之教地官卿王之三公八命及其出封皆加一等官上公九命為伯同上上公之禮執桓圭九寸纁纁九寸冕服九章

建常九旒樊纓九就亂車九采秋官公佩山玄玉而朱組

綬記王

禹折足覆公餗注知小謀大不勝其任也易為

三公者何天子之相也公三公總方而議則天子恭已

而已矣荀天設三光以照明天子立三公以明理禮

三公銓時論道禮三公者百僚之奉萬民之表也

詩句三公運權衡李三槐老更茂蟬見三公府山三

師禮數重山一為公與相潭潭府中居明君越義軒

天老坐三台李五雲多處是三台杜五嶽祭秩比三公

欽定四庫全書

古今事文類聚

三

山詩公望冠巖廊唐鍾鼎勳庸大山河誠長

道協陶鈞力恩回日月光一言歸社稷九命備圭璋上

古今事實

槐禹之任

漢光武允信識言以王梁孫成名慮圖錄趙登槐禹之

任

冠冕百辟

齊職品令冠冕百辟從容論道自非敦崇德重無以居

之

委任三府

後漢郎顗拜章曰還舉牧守委任三府注三府三公也

三公總務

代宗大曆四年詔西漢以二府分理東京以三公總務

一統萬類

王嘉傳君以道德位在三公以總方略一統萬類分明

善惡為職

欽定四庫全書

御定四庫全書

四

職典天地

晉衛瓘奏曰三公職典天地實掌人物國之大事取義於此

調和陰陽

漢丙吉為相出逢牛喘吉問牛行幾里或以譏吉吉曰方春少陽用事未可太熱此時氣失節恐有所傷害也三公調和陰陽職所當憂是以問之又傳子曰三公佐天子理陰陽無所不統又說范三公正天下調陰陽節

風雨

位典常經

漢王尊勅丞相衛御史大夫譚位三公典五常九經以總方畧一統類廣教化美風俗為職

詔糾非法

後漢章帝二年詔春秋之義以貴理賤今自三公並宜明糾非法宣振威風

秩號萬石

欽定四庫全書

御定四庫全書

五

梁制十八班班高者為貴上公班第十八秩萬石六典注

象鼎三足

後漢彭宣傳三公鼎足承君一足不任覆亂美實又環濟要略云三公者象鼎三足共承其上也又楊秉傳三公禹司無所不統又顯宗紀永平六年王雒山出寶鼎詔曰禹象三公立公卿奉職得其理耶又韓非子背私曰公象鼎足也數三者法三光也

朕之腹心

師丹傳策免曰夫三公者朕之腹心也輔善相過正率百僚和合天下者也

人之喉咽

春秋合識圖曰天理在斗中司三公如人喉在咽以理舌語宋均注曰斗為天之口舌主出政教三公導宣君命諭於人則宜如人喉在咽以理舌口如言有條理

開德宣符

欽定四庫全書

古今事考類聚

六

天文上三台六星兩兩而居起文昌列抵太微一曰天柱三公之位也在人曰三公在天曰三台主開德宣符也

昭德塞違

三台六星西近文昌二星曰上台為司命次二星曰中台為司中東二星曰下台為司祿所以昭德塞違也

主宣德化

天文志杓南三星及魁第一星西三星皆曰三公主宣

德化調七政和陰陽之官也

猶天三光

漢成帝時何武建言國之輔佐必得賢聖然猶天之三光備三公官各有分職宜建三公官分職授政以考功效又蕭望之言三公任非其人則三光為之不明令歲首日月失光咎在臣等附本

天之三階

漢東方朔對武帝曰願陳泰階六符應劭注曰泰階六

欽定四庫全書

古今事考類聚

七

符經曰泰階者天之三階也上階為天子中階為諸侯公卿大夫下階為士庶人中階上星為諸侯三公下星為卿大夫之階三階平則陰陽和風雨時天下大安方

上應台階

後漢郎顗傳三公上應台階下同元首注三公上象天之台階下與人君同體者也又周禮大宗伯疏上台司命為太尉中台司中為司徒下台司祿為司空

下象山獄

陳忠薦曰三公上則台階下象山獄服元首焉足居職協和陰陽調訓五品

天子所師

漢哀平間始尊師傅之位明雖天子必有所師又唐百官志三師天子所師法無所總職

中書諸策

唐張延賞奏故事冊拜三公中書令諸策侍中奉禮如

欽定四庫全書

古今事大類聚卷八

八

關即以宰相攝之

一代之偉

魏文帝卽位時司空華歆司徒王朗並先世名臣文帝罷朝謂左右曰此三公者乃一代之偉人後人殆難繼也

三公共選

晉劉寔作崇讓論以一官缺擇衆官所讓最多者用之此為一公缺三公豫選之且主選之吏不必任公而選

三公不如令三公自共選一公

大事咨訪

魏初三公無事希預朝政高柔上疏曰古者刑政有疑輒議於槐棘之下自今之後朝有疑議及刑獄大事宜數以咨訪三公三公朝朝望之日可特延入講論得失大帝嘉納焉又隋百官志三公參議國之大事置府僚

謠言奏事

欽定四庫全書

古今事大類聚卷九

九

蔡邕上疏曰五年制書令三公謠言奏事是時奉公者欣然得志注漢官儀曰三公聽察長吏臧否人所疾苦條奏之是為舉謠言也

改容禮貌

晉成王幼在襁抱之中召公為太保周公為太傅太公為太師保保其身體傅傳之德義師道之教訓此三公之職也云云三公之貴皆天子之所以改容而禮貌之也前漢書

侍以殊敬

安帝朝陳忠上疏曰三公稱曰家宰王者侍以殊敬在與為下御坐為起入則參對而議政出則監察而董是非

後傳忠侍

一命家服

王制曰三公一命冢若有加則賜也不過九命三公八命復加一命則服家龍與王者之後同

一品金章

欽定四庫全書

卷一

十

齊職儀云三師品第一金章而紫綬進賢三梁冠絳朝服

加賜几杖

沈慶之廢帝時加慶之几杖給三望車慶之每朝賀常乘輿無輦車履行田園無人從行過之者不知三公也慶之曰我每游履田園有人時與馬成三無人時則與馬成二今乘此車安所之乎及賜几杖並園讓

臨軒遣使

成帝臨軒遣使拜太傅太尉司空儀注太舉宿懸於殿庭門下奏非祭祀宴饗則無設樂之制太常祭議議曰凡敬其事則備其禮禮備則有樂今大拜輔相臨軒遣使宜有金石之樂從焉

戴輿上殿

魏志太傅鍾繇有膝疾拜起不便朝見使戴輿車虎首耳就坐是後三公有疾遂以為故事

乘馬出遊

欽定四庫全書

卷一

十一

晉王戎位雖總馬司而委事僚家間乘小馬從便門而出遊見者不知其為三公也

黃閣賜尾

陳舊制三公黃閣聽事置賜尾後主時蕭摩訶以功授侍中驃騎大將軍時詔摩訶開閣門施行馬聽事寢堂並置賜尾

北分

黃閣內屏

隋三公府三門當中開黃閣設內屏

百官志

夢松生履

丁固夢松生其腹上謂人曰松字十八公也後十八年
吾其為公卒如夢焉

聞車馬聲

晉魏舒未達時嘗詣野王主人妻夜產俄而聞車馬之
聲相問寢者誰曰魏公舒自知當為公矣其後果為司
徒

雀報白環

欽定四庫全書

卷一百一十五

七

弘農楊寶嘗見一黃雀墜樹下為蟻蟻所困寶隨之
食以黃花百餘日毛羽成放之後寶讀書有黃衣童子
向寶再拜曰我王母使臣為賜泉所博賴君拯濟今當
使南海不得復往以白環四枚與寶曰令君子孫潔白
登三公辭去遂絕寶生震震生秉秉生賜賜生彪四世
為三公

續齊
書記

雀銜三鱸

楊震明經博覽不應州郡程碑後有冠雀銜三鱸魚墜

堂下都講取魚進曰蛇鱸卿大夫服之象也數三法三

台也先生自此升矣後位三公

後漢
本傳

工相佩刀

晉呂虔有佩刀命工相之當為三公虔以贈別駕王祥
曰以子有台輔之望故相贈後祥果為太保臨薨以刀
授弟覽曰汝後必興足稱此刀覽後歷世多賢才興於
江左

手文可占

欽定四庫全書

卷一百一十五

七

陶侃左手有文直達中指至橫文上節便絕占者以為
此大通位無極侃針挑今徹血流彈壁上乃作公字以
紙裹之公字愈明

吳興

父子居位

晉司馬望安平王孚之長子有偉才早著名咸熙中位
司徒入晉封義陽王遷太傅大司馬時孚為太宰父子
居上公位百代以來未之有也

累世三公

漢楊彪傳覽衆書有恭亮稱位至司馬太尉自以累世三公耻為魏臣乃不復行又袁宏袁紹四世三公

黑頭三公

晉諸葛恢傳為臨沂令名亞王導庾亮謂曰明府當作黑頭三公又後魏書宗室元或少有才學當時甚美倚中崔光見而謂人曰黑頭倚中當此人也

折臂三公

有善相墓者言羊祜祖墓所有帝王氣祜遂襲之相者見曰猶出折臂三公而祜竟墮馬折臂位至三公

欽定四庫全書

古今事考類聚

卷

平世三公

宋武帝

羊祜微祭廟可為平世三公

南史

格外三公

齊明帝即位陳顯達以太尉判鄱陽郡公為三公事雖職典連舉人以為格外三公

陳顯達傳

三公封侯

崔邕為司空封安陽亭侯三公封侯自此始也

三登公台

後漢胡廣在公台三十餘年禮任甚優凡一履司空再作司徒三登太尉又為太傅其所辟命皆天下之士與故吏陳蕃李膺並為三司蕃等每朝輒稱疾過時人榮之

督察三公

先武時江馮上言宜令司隸校尉督察三公陳元上疏不宜令有司察公輔之名

欽定四庫全書

古今事考類聚

卷

兼領六卿

周成王立三公而云官不必備惟其人以書傳考之皆兼領六卿未嘗特置也

容傳

我不獨拜

世說王丞相既拜司徒歎曰王喬若過江我不獨拜公吾不敢先

後漢黃憲字叔度同郡陳蕃為三公臨朝歎曰叔度若在吾不敢先佩印綬

三公備員

後漢光武雖置三公事歸臺閣三公之職備員而已

天下無人

晉陸玩謂賓客曰以我為三公是天下為無人

布被釣名

汲黯曰弘位三公俸祿甚多無為布被此詐也上問弘

弘謝曰有之夫以三公為布被誠飾詐以釣名弘傳

食不兼味

欽定四庫全書

卷一百一十五

古

長孫道生拜司空加侍中性忠厚廉謹身為三司而衣

不華飾食不兼味一簋度陳泥十年不易時人比之晏

嬰此合又漢杞荀與為三公食不過一肉脫粟飯

並除雙員

真宗天禧元年司徒平章事王旦彭王元偃同日降制

加太保三公並除雙員

坐見庶僚

元豐三年除太尉判河南文彥博至河南未交印先就

第廟坐以見監司既交府事見監司府官如常式或以

問彥博彥博曰吾未視府事三公見庶僚也既交印河

南尹見監司矣六年請老拜太師致仕事

九居八座

張齊賢四踐兩府九居八座以三公就第康寧稱壽世

罕其比事

手植三槐

王文正公旦沉黙好學父祐器之常曰此兒異日必為

欽定四庫全書

卷一百一十五

古

三公輔臣因手植三槐於庭以為識

古今文集

雜著

三槐堂銘

蘇軾

天可必乎賢者不必貴仁者不必壽天不可必乎仁者

必有後二者將安取哀哉吾聞之申包胥曰人衆者勝

天天定亦能勝人世之論天者皆不待其定而求之故

以天為茫茫善者以怠惡者以肆盜跖之壽孔顏之厄

此皆天之未定者也松栢生於山林其始也固於蓬蒿
厄於牛羊而其終也貫四時閑千歲而不改者其天定
也善惡之報至於子孫而其定也久矣吾以所見所聞
所傳聞考之而其可必也審矣國之將興必有世德之
臣厚施而不食其報然後其子孫能與守文太平之主
共天下之福故兵部侍郎晉國王公顯於漢周之際歷
事宋太祖太宗文武忠孝天下望以爲相而公卒以直
道不容於時蓋嘗手植三槐於庭曰吾子孫必有爲三
公者已而其子魏國文正公相真宗皇帝於景德祥符
之間朝廷清明天下無事之時享其福祿榮名者十有
八年今天寓物於人明日而取之有得有否而晉公修
德於身責報於天取必於數十年之後如持左契交手
相付吾是以知天之果可必也吾不及見魏公而見其
子懿敏公以直諫事仁宗皇帝出入侍從將帥三十餘
年位不滿其德天將復興王氏也歟何其子孫之多賢
也世有以晉公比李栖筠者其雄才直氣真不相上下

而栖筠之子吉甫其孫德裕功名富貴略與王氏等而
忠信仁厚不及魏公父子由此觀之王氏之福蓋未艾
也懿敏公之子輩與吾遊好德而文以世其家吾是以
錄之銘曰

嗚呼休哉魏公之業與槐俱萌封植之勤必世乃成
既相真宗四方砥平歸視其家槐陰滿庭吾儕小人
朝不及夕相時射利星郵厭德庶幾儼倖不種而獲
不有君子其何能國王城之東晉公所廬營三槐

惟德之符嗚呼休哉

律詩

君臣慶會閣三首

汪藻

相第新成寶閣開蕭韶聲自九天來恩榮慶道王人出
慈惠仍宣禁從陪御筆丹青爭炳煥宸章雲漢共昭回
君臣慶會誠難得舜禹方資履契才

又

萬壑彤雲拂曉開使華親自日邊來恩頒御墨函初啓

燕及羣臣各有陪仙堂共承霄露滴客棹撒泛斗星回
人間未識乾坤象各藻先憑造化才

又

一德君臣運有開千齡盛事冠將來神仙迴與人寰隔
賓主親緣國論陪賀風有情均鼓舞攀雲無路獨逕回
尚憐風被奎文潤曾是宗寧樂育才

欽定四庫全書

古今事文類聚新集卷一

古今事文類聚新集卷一

欽定四庫全書

古今事文類聚新集卷二

三師部

元富大用撰

太師

歷代沿革太師古官也殷紂時箕子周武王時太公成
王時周公並為太師周公薨畢公代之周武王時周
公旦為太宰掌邦治居六卿之首太師之職秦漢不

欽定四庫全書

古今事文類聚新集卷二

常置平帝始復置漢東京獻帝初董卓為太師卓誅
又廢魏世不置晉初依周禮備置三公太師居首以
景帝名師置太宰以代之太宰即古之太師也後齊
隋後魏置太師太保為三師唐置太師一人以
儀刑四海宋朝尤重太師趙韓王以勲文潞公以年
方得之比曠年不拜自司空五遷方至太師元詳見

三公類

羣書要語尹氏太師維周之氏詩師南山維師尚父時維鷹

揚大

赫赫尹民具爾瞻上太師維垣注牆也太師為

垣牆屏蔽之義詩板

王若曰父師今予祇命公以周公

之事命

召公為保周公為師相成王為左右太師

官之極史

天子禮樂是經學業不法凡是之屬太師

訓之上

太公股肱周室世祚太師以表東海左冠三公

之首為四遠之儀六

文王得尚父於盤溪以為師史師

也者教之以事而諭諸德者也世

伊尹奉鬻王歸

于亳王拜手曰既往背師保之訓弗克于厥初尚賴匡

救之德言

登拜師垣曾以一品之貴始躋

上公之品秩切

公師帝德茂師台年公

師極品曾

帝師維垣公維師極品曲卿勲在

廟社名聞華夷東

詩句我公厥富貴當苦勲業尊東文武成功後

居為百辟師魏

元輝極上台山

古今事實

賜杖免朝

前漢平帝即位太后稱制王莽白太后帝幼少宜置師

傳乃以孔光為太傅明年徙光為太師莽為太傅光常

稱疾不敢與莽並及莽為宰衡位諸侯王上先愈恐固

稱疾辭位太后詔無朝十日一賜食賜太師靈杖黃

門令為太師省中位坐置几太師入省中用杖

贊拜不名

隋高祖受禪李穆來朝高祖降坐禮之拜太師贊拜不

名子孫雖繼繼忠拜儀同一門執象笏者百餘人貴盛

當時無比

縹巾居位

蜀李壽以安車束帛聘龔壯為太師壯固辭特聽縹巾

素帶居師友之位晉

鴻鵠遠志

漢獻帝時董卓自號太師御史中丞以下皆拜皇甫嵩

與卓爭權後嵩為中丞見卓拜卓曰可以服未嵩曰安

知明公乃至於是卓曰鴻鵠固有遠志但燕雀不知爾

高曰昔與明公俱為鴻鵠但明公今日變為鳳凰卓笑曰卿早服何得不拜

舊德自處

馮道為太師以舊德自處然當世之士無賢愚皆仰道為元老而喜為稱譽五代

正色立朝

頗真卿德宗立拜太師立朝正色剛而有禮替云晚節倨蹇為君臣所擠數然之氣折而不沮可謂忠矣唐本

欽定四庫全書

全德始終

裴度拜太師平章事事四朝以全德始終及歿天下莫不思其風烈唐本

就賜器幣

宋淳化二年遣右正言張康肅太師趙普生辰器幣輟馬就西京賜之故事非同平章無生辰國信之例上以舊勳舊政特異其禮宋會

宣書加賜

趙普上章告老拜太師封魏國公給宰相俸仍遣其弟齊昭賜之又遣使以璽書賜普曰朕以居守之重慮煩耆耄維師之命用表尊賢仍賜銅羊上尊酒太師其愛精神以副眷注之意宋史

以尊老成

文彥博召赴闕司馬公言若令以正太師平章軍國重事亦足以尊老成矣遂詔一月兩赴經筵六日一朝至都堂商量事宋史

欽定四庫全書

偏歷公孤

大彥博凝簡莊重有大臣體位將相者五十餘年偏歷公孤兩以太師致仕雖位號隆重而平居接物謙抑尊德崇善如恐不及邵雍程頤程頤以道學名世而彥博與之交遊元堂中與富弼等十一人為洛陽耆英會上同

未嘗並除

故事太師未嘗並除紹聖初始有文潞公吳榮王宣和中蔡魯公鄭平樂王靖康初燕王吳越

王德紹興中秦申王情張魯王復紹興末史會稽王浩

嗣秀王白圭
野雅記

特拜加恩

建隆至紹熙宰臣生拜太師者五趙普文彥博蔡京秦
檜史浩惟秦二人以相臣特拜其他皆遷政加恩云

朝野
雜記

獨班減拜

元祐元年四月詔守太師致仕文彥博赴闕獨班起居

欽定四庫全書

減拜肩輿至下馬處子弟一人扶掖出入儀制依見任

宰臣會

宗室特拜

本朝親王生拜太師者五人楚王元佐燕王元儼吳王
灝燕王侯越王偁皆以父兄行而得之紹熙中嗣秀王
伯圭以宗室特拜太師蓋王以光宗為親叔父用優禮

也上同

元臣優拜

西京留守太保趙普為太師西京養疾以普開國元臣
故優拜非常例也分

古今文集

雜著

除文彥博太師制

鄧潤甫

師傳道之教訓先王所以迪嚴官老成重於典刑天下
所以資其智迪養舊德時謂元勳謀合祖宗之心名載
鼎彝之器申頒贊策播告外朝守太師開府儀同三司

欽定四庫全書

太彥博廓大而清明方嚴而信厚出則秉平莠鉞入則

總我鈞衡太武兼備其才表險能致其力事公之弊四

世三紀于茲傳說之總百官萬邦其又爵隆無富溢之

累名遂有身退之榮神明相其壽康人心想其風采是

用還之論道倘以經邦以帝者之師臣謀議廟堂之上

以天下之大老制取夷狄之情庶幾有為底于極治晉

陪多非申衍真封於戲呂望惟賡起佐文王之治周公

已老留為孺子之師矧我者英無愧前哲往宣一德用

格多盤

除文彥博太師河東節度使致仕制

蘇轍

周公未嘗之魯老亦居豐留侯晚雖彊殮終不任事蓋委寄之重初無間然而知足之風所不敢廢惟我者舊歷事祖宗纘服之初復命以位雖師保之地優秩不煩而丘樊之心朝夕以請布告在位俾聞高風太師平章軍國重事上柱國潞國公文彥博克孝而忠允文且武欽定四庫全書

其在師旅有方台之勲其在朝廷有崇環之業士民視其去就夷狄震其威名時更四朝躬蹈一節先皇帝愍勞以事既許其歸越予訪落之年漂有涉淵之志起之既老待以仰成出入五年始終全德進而論道日聞典訓之言倚以折衝率靖邊防之聲委成功而不處指莫景以求安勤請廉聞誠心莫奪顧瞻閭井近在洛師郭氏有永巷之嚴裴公有綠野之勝立以簪綬之累久致形氣之勞貴極上公既無復加之爵秩分領全晉仍再

久還之節旋增廣舊封益衍真食彊盡人臣之寵歸從父老之遊於戚音聲不遐尚有就問之禮几杖以俟復期親祀之陪勿以進退之殊而廢謙猷之告式燕且舉俾壽而康

賜太師文彥博乞致仕不允批荅

蘇軾

昔師尚父九十秉旄枝鉞猶未告老此諸葛元遜所以屈張昭也而衛武公百年猶箴儆於國曰無以我老耄而捨我此左史倚相所以誨申公也今卿壽考康寧而

退託衰病自引求去獨不念天下之士有如彼二子者議其後乎姑安厥官以荅公論

賜太師文彥博乞致仕不允批荅

蘇軾

卿出入四世師表萬民無業於功名而有厭於富貴其所以忘身徇國捨逸就勞者宜有求而然哉凡以先帝之恩生民之欲也卿之在朝如玉在山如珠在淵光景